

影印

文淵閣四庫全書

第一一三一冊

北京出版集團公司
北京出版社

本冊目次

華忠紫

陽穆微

集集集

宋張綱撰……………一

宋呂頤浩撰……………二五七

宋張嶠撰……………三三九

欽定四庫全書

集部

華陽集卷一至五

詳校官庶吉士臣瑚圖禮

主事臣呂雲棟覆勘

總校官編修臣王燕緒

校對官主事臣陳文樞

謄錄監生臣宋學濂

欽定四庫全書

集部四

華陽集

別集類三 宋

提要

臣等謹案華陽集四十卷宋張綱撰綱字彥

正金壇人大觀政和間試舍法三首選初

與蔡京王黼不合二人每擠抑之及南渡後

登瑣闥復與秦檜隙遂致仕檜殁乃召用終

於叅知政事事迹具宋史本傳綱健於為文

欽定四庫全書

華陽集
提要

每一落紙都人輒傳播遭建炎兵燬什不存

一又以秦檜柄國懼為所忌絕意著述以故

流傳不多嗣子堅搜輯得八百餘篇至孫奎

始刊板寘郡學以其自號華陽老人即以名

集洪邁為之序凡文三十三卷詩五卷詞一

卷後附行狀一卷詩文典雅麗則講筵所進

故事因事納忠亦皆剴切至南宋之初盡華

紹述之弊凡元祐諸臣之後無不甄錄轉相

標榜頗滋偽冒網乃復有劄子論黨籍推恩

太濫尤可謂卓然特立毫無門戶之見者矣

乾隆四十六年九月恭校上

總纂官_臣紀昀_臣陸錫熊_臣孫士毅

總校官_臣陸費墀

華陽集原序

華陽集四十卷故參知政事資政殿學士章簡張公所著也始大觀政和間庠序宏盛彙四方儒造於京師公起朱方孤生持經術驟奮聲高一時儒先反足歛社比三冠倫遂策崇政名為第一天子當床挹歎有旨隋用矣老蔡方顯國挽使聽已倡富貴有命之說連柱之且雅憎王黼為邪勿忍識其面擢纔學館郎官坎壈過十稔澹然無嗟悔意獨玩心於內不肯頃刻輟為文章每

一落紙都人即日傳播至汗漫棟宇建炎庚戌家鄉厄敵兵篋積貯藏六丁下取略盡煨燼所存僅逮百一既檜相得志齟齬知名士惡子組織人語言買進梯禍公在睥中又為之閤筆袖手秦亡公亦老故歷歲久著錄不能多薨之明年嗣子戶部郎中堅菟拾論次合八百五十九篇將刊鏤垂世未克而沒後二十三年嗣孫池州使君金乃出捐家貲板真郡學邁首得其書伏讀之大抵制詞嚴而緝表疏卷卷主敬雖莫齒退休未嘗以

一篇倩人代作而講筵故事十九章剴切明白如仁宗得君人之道舜不窮其民光武開心見誠唐太宗察上封者之姦憲宗御下有術文宗不能正陳夷行唯阿之罪皆反復致志因事納忠非若等輩區區備課程而已池州以書索序顧晚出遠絕欲謝不敢念昔者辱與戶部游而伯氏文惠公奉使淮東時築亭結樓於官舍公為賦兩詩酒殘搖江波吞翠壁之句至今諷咏在口輒藉以自恕然甚慚公自稱曰華陽老人集用是以名紹

欽定四庫全書

華陽集
原序

二

熙二年三月十六日序煥章閣學士宣奉大夫提舉隆興府玉隆萬壽宮魏郡公洪邁撰

天地山川靈秀融結必生奇崛瑰璋之士邁跡振古以開文獻於將來而文獻之傳亦必有尚論景行為之後進者以見聞而羽翼之斯二者恒相須也故杞宋無徵孔子傷之而聖賢經傳亦皆俟諸子以世其傳此不特皇王之謨烈廊廟之規章即德冠一鄉行徵一邑者嘉言懿行典刑攸繫百世不可磨也或曰人亡則如之何

揚子雲云在則人亡則書故頌詩讀書以論其人茲尚友之道也予自垂髫時習禮於鄉校見有宋先哲張章簡公者且而咀之於祠矣聞其人鄉邑之耆俊而國家之梁棟也心竊慕之及考之宋史參之邑志僅述其姓字與行跡之一二考其遺文洪業茂如也則心甚惜之曰之人也之德也乃罔聞於後世乎及予致政而田適與其裔孫光裕者游偶出殘編斷簡於蠹餘以示余讀之嘆曰偉哉吾鄉之先哲有是哉孝義著於鄉邦勲烈

欽定四庫全書

華陽集
原序

三

赫於廊廟代言西掖則典雅麗則允黼黻乎皇猷正色立朝則斥奸遠佞直爭光於日月雖佐業偏隅而身係社稷之安危闕君德之休戚者數十餘年君臣協志壽祿永綏此其文章政事節概勲猷蓋庶幾韓范富歐之儔公嘗自書曰以直道行已以正色立朝以靜退高天下人皆以為不負所言是誠擁方茅之秀匯五湖之精挺身一時而殊絕百代者也不幸重罹兵燹著作之屬煨燼者已十之八而嗣是子孫衰謝賢哲無傳僅有諸

編之未斬者數百年來冥冥罔攸表章此豈一邑之漏

典實國史之遺文哉夫賢人處鄉邑之中擅一言一行

之長者人猶膾炙而模楷之而况公碩儒名相遭遇四

朝言聽計從澤及天下可使其終泯然乎予生也晚遇

之遲尤幸斯編未盡斬而後生者得與於斯也故緝而

梓之以播之鄉邦傳之四海使百世而下知吾鄉有立

德立功立言不朽之士而興起者無父也且孟軻傳聖

道喜居之相近而荀卿有言法後王欲知上世則知周

欽定四庫全書

華陽集
原序

道謂其近已而易行也今豪傑產自鄉曲微言懿行炳

然猶在耳濡目染依歸更切仰止高山又奚必遠有所

慕哉故茲編之行也寔期前哲有先後生多賴非徒虛

言是行而已是予竊有志也夫是予竊為望也夫公諱

綱字正彥所著表奏詩文等略具文集中行迹具洪公

箴狀中甚悉故不復著享年八十四居邑西之希墟有

宅號稱西府見方輿勝覽明萬歷丁酉同邑後學于文

熙撰

欽定四庫全書

華陽集卷一

外制

胡世將知鎮江府

四郊多壘每深當宁之憂十國為連尤重殿邦之寄將

使閭閻之安堵其惟師帥之得人爰擇時髦肆頒明命

具官某論篤古今而富淵源之學智周事物而高練達

之材嘗進列于從班尉有聲于詞掖方時多故庸許即

欽定四庫全書

華陽集
卷一

安載稽望寔之乎宜委蕃宣之重眷朱方之會府當行

闕之上游田桑或廢于兵屯獄訟靡闕於吏課興言積

弊深軫至懷昔宣帝閔斯民愁恨之聲爰重守相之任

而文皇錄刺史才否之狀用昭廢置之公朕師其言今

以命爾往究厥職別俟寵褒

邵溥復徽猷閣待制

責人臣以見危致命之義蓋萬世之常規眎天下以赦

過宥罪之仁茲一時之盛典乃眷甘泉之舊嘗于丹筆

之書屬有龐洪稍還光寵具官某奮以時望儀于本朝
早承三接之榮亟貳六卿之職一從吏議久去周行亦
既省循宜見閭閻雷雨而作解已疏南洽之恩近日
月而依光用復西清之列爾其益圖遠業務蓋前愆庶
晚節之可觀佇中興而來助

檀倬復徽猷閣待制

朕即位以來與民更始閔一夫之不獲每推肆眚之仁
顧三尺之靡容亦與自新之路矧在謫籍嘗為從臣宜
欽定四庫全書
均寵光以復玷闕具官某頃緣拔擢浸歷高華坐罹朋
附之言辱在譴呵之域孽由自作念久去于周行恩不
汝遺既數霑于允澤其即殊庭之邃聿升次對之班已
荒不以遐遺朕欲盡捐于宿負無咎在乎補過汝宜益
勉于新圖及此艱難尚期報稱

牛皐轉兩官

殺敵為果莫先制勝之謀戰功日多宜懋疇庸之典具
官某忠於為國奮不顧身親更百戰之餘獨冠三軍之

勇志平外侮期復中原大挫敵鋒有嘉戎捷比既付以
翰藩之任寵之庶察之權吉語嗣聞計功特異更增顯
秩併示褒恩其益勉于壯猷庶克終于偉績

李道遷榮州團練使

朕念艱難以來干戈未息圖維疆場之事寤寐將帥之
臣苟功善之有聞顧褒崇之可後惟爾協謀王事戮力
戎行材兼將畧之優功有戰多之績比欲遣臨于外鎮
蓋將就付于中權成命既頒辭寵以避有嘉謙德宜錫
欽定四庫全書
懋恩益務遠圖欽予特命

李回落職官觀

十國為連是為朝廷之重寄萬夫觀政豈容師帥之不
賢物論既喧邦刑敢緩具官某起從謫籍擢貳政機頃
臨大江之南旋分方伯之任庶回晚節共濟中興報政
之期指日以俟及是再期之久宜深恤于民勞乃惟衆
惡勿勝忽駭聞于朕聽設施無狀悖謬其謀承詔旨則
匿不布宣上封章則肆為欺罔蔑棄公議橫市私恩義

方不肅于過庭姦賊至于狼籍冗食猥多于入幕聚歛因以煩苛黠胥挾寵而威權暗移名賊顯行而方畧倒置曾是股肱之舊迄無尺寸之功民生不聊誰任其責覽十條之來上按三尺而靡容其鑄秘殿之華往食真祠之祿尚從寬典益懋省愆

陳宥昭宣使上復一官

法行必自近雖左右前後之人苟有罪者法所不赦恩施欲及遠雖竄逐退閒之久能自新者恩所不遺具官

欽定四庫全書

華陽集
卷一

四

某出入宮庭典司禁衛獲譴以免閱時滋多蒙霈澤之屢更諒洗心而知過稍還秩序用示寵光益勵操修以圖報效

李橫轉行翊衛大夫

漢武帝寵力戰之士而置賞功之官魏文侯有勝齊之功而受上聞之爵矧予藩翰積有勞能可無寵光以示褒勸具官某忠勤體國志畧絕倫殿天子之邦威名獨著下將軍之令殺敵無前顧瞻河洛之區行入版圖之

舊提書屢至嘉歎不忘宜益峻于崇階庶以昭于茂烈爾其乘建瓴之勢鼓行而西收破竹之功凱旋以報期在朝夕別對休榮

彭玘轉一官遂郡刺史

朕勵志中原靡忘旰食惟時恢復之計悲委將帥之臣功狀上聞褒崇可後爾早懷忠義獨奮機權斬將塞旗屢奏邊廷之捷第功行賞宜登勇爵之優其就進於崇階俾遙分于刺部服茲休命益茂戎昭成爾遠圖副予

欽定四庫全書

華陽集
卷一

五

延望

凌唐佐贈徽猷閣待制

臨難不求苟免是為守節之臣殺身足以成仁宜舉飾終之典具官某奮自儒學寢階顯途宣力方勤遭時多故身雖受辱豈忘報于公家義不愛生卒見殞于賊手深愴無辜之戮有嘉將死之言陟華貴于西清慰營魂於下地歆予茂渥昭爾遺忠

錢忱父景臻追封衛國公

朕祇率訓典大饗合宮熙事備成鮮澤旁暢眷茲在列
咸與寵榮施及其親豈間存沒具官某胄出王門之貴
姻聯帝室之華被遇累朝躬秉一節夙著老成之望更
高身後之名偉忠懿之遺勲既克成於祖德問漢陽之
所服尤想見其家風有子象賢任吾環衛爰念教忠之
素宜推廣孝之恩追錫徽章益開茅土信都舊鎮雖無
改於旌門淇澳新封庶以昭於幽壤精爽不寐尚其享
之

欽定四庫全書

華陽集
卷一

六

錢忱妻康氏封安定郡夫人

朕以季秋大饗均福天下羣臣在列咸被光寵湯沐之
賜迨其室家國有舊章予不敢廢具封某氏早以懿行
嬪於甲族奉我秦魯大姬夙夜不怠見謂閨房之秀寔
增威範之華序爵從夫疏恩異等其以小君之號就更
大郡之封服此綸言益勤婦事

許中降直秘閣

朕以北敵告警士大夫流寓東南數詔郡國謹遇以禮

爾韋蒙推擇為一路帥守職在奉行詔書所宜體朕德
意務安存之而迺坐視淪落忽焉不加戚于其心唯恐
他族實偪以奪已便既欲絕其廩稍則又請以興徙信
如爾言凡失職之士將安所託處乎朕方布大信于人
命以優卹而反危動之何以示信靜言事謬罰其可逃
延閣華資稍從降黜服我寬典毋怠省躬

董震轉武節大夫遙郡刺史

朕惟康濟艱難勤勞夙夜思得竭忠奮義之士付以折

欽定四庫全書

華陽集
卷一

七

衝禦侮之權因示褒優庶圖恢復爾威名夙著智畧有
餘迺心不負于朝廷自率來歸之路抗志欲平於外患
更多斬獲之功眷予方念于中原倚重孰先於西土方
擇維藩之寄宜推敵愾之臣地合三州勢當一面用啟
爾宇爰俾鎮臨克壯軍容坐期綏靖名郡遂分於刺舉
武階兼進于崇資爾其祇服恩榮益思報稱佇俟凱歌
之奏尚增加地之封

杜林魚澤劉寶王升各轉遙防遙團

朕于艱難之際惜名器不輕予人至于執干戈親行陣能為朝廷立功以寬朕北顧憂則大官高爵亦所不吝具官某忠勤自奮沈勇有謀從大將以徂征摧敵師而屢捷第功未上嘉歎不忘服茲褒勸之榮益懋邊陲之績

關

岳超轉防禦使朱公旦高政許大同轉團練使

國家方事干戈蕩平敵境故於戰勝克敵之功自大將軍而下第其優劣悉加褒賞蓋所以勸也具官某深于勇略久在戎行出討不庭所至輒克是謂一時梟俊之

欽定四庫全書

華陽集卷一

八

士膚公來上朕甚嘉之遷官一等以答忠勤益勵壯猷用期報效

謝克家知平江府

朕時巡方岳倚重吳門城邑相望是謂股肱之郡藩宣所寄必求師帥之賢眷我洪儒久勞遠服載新符竹宜錫贊書具官某智窮萬物之微學總百家之要孤忠自奮見義必為直道正言進彌縫于主闕高文大冊久潤色於皇猷俾參機務之煩尤賴弼諧之助暫去廊廟數

更翰垣治有能名達于朕聽茲用嘉其丕績畀此大邦所期名德之崇益重鎮臨之望念斯民歌于來暮其無憚于暑行惟郡守職在承流將亟觀于河潤

歐陽懋除徽猷閣待制知建康府

朕惟江左名都朝廷重寄承流宣化宜求師帥之賢禦侮折衝兼倚藩維之固爰舉于衆茲得其人具官某性資高明才術敏達屢更器使久著忠勤擾吏最於侯邦贊軍謀于督府嘉爾名臣之後用昭遺德之傳升次對之清班俾分憂于方面民勞未息其師益公清靜之言戎役方更盡講充國留屯之策佇觀丕績嗣有寵光

欽定四庫全書

華陽集卷一

九

連南夫知泉州

往者閩寇弄兵諸郡相蹈藉而泉南阻險以免泉之地並海蠻胡賈人舶交其中故貨通而民富夫富則易驕寇不至則怠而莫之備朕思得仁明練達之士以守茲土求於已試莫如汝宜具官某文學政事高于一時為吾從臣公論翕然歸重朕嘗考汝江左三州之政其施

設不同而民皆有懷志茲用命汝往臨于泉者汲黯為東海太守以大治聞後遷淮陽居郡如其故治汝尚勉之其為朕移所以守三州者施于泉人勿使驕惰則予一人汝嘉

馮軫降一官

國家度緇黃以牒掌于祠部而下之四方爾居是官迺不謹察合符繆互部使者疑之昔馬援以印文不同即聞于上而石建書馬闕一退輒恐懼爾當知矣黜官一

欽定四庫全書

華陽集

十

祁立轉團練使

朕于人之勞雖微必錄矧茲蕩平劇賊底定一方第功有差可無褒勸具官某久在戎行深于將畧荆湘之役陷陣先登爰推賞典之公以示眷知之意益思策勵毋負恩華

慕氏魏氏轉嬪好

朕念昭慈保茲皇祚已畢三年之服敢忘萬世之功爰

詔有司載疇舊典既推茂渥下迨宗親宜有異恩以及嬪御具封某稟徽柔之德躬淑慎之儀叙于王宮修厥婦事魏氏具封某蚤備德容之懿雅勤國史之規進服官闈率遵婦事方哲宗當宁既殫夙夜之勞逮太母垂簾更資左右之助感今懷昔撫事愴情爰申品秩之榮式示褒嘉之意服我休命往其欽哉

郭安奴轉尚儀蘇迎喜轉司寶宋七娘轉司衣

朕念昭慈保佑之功痛深追慕几筵初徹爰舉彝章以爾祇奉壺闈夙夜不怠進升內職用示寵光服我訓詞毋忘祇戒

欽定四庫全書

華陽集

十二

朱倩奴轉掌綵

爾事我昭慈謹于內職愴念几筵之徹爰推綸綍之恩進陟婦官式彰寵渥

士昭轉防禦使

朕惟皇族近親不責以吏事須歲月之及序則遷厥官茲實祖宗舊法務隆恩寵予其敢廢具官某神明之胄

禮法是遵居無席寵之驕克有維城之譽蚤奉朝請進
列衛官歲既十周會課求上其正扞防之秩用昭眷遇
之私服我訓詞毋忘飭勵

陳永錫遷職

宮庭之制典司有官以率前後左右之人以申戒令糾
禁之事其職顧不重哉以爾早奮材能數更事任歷險
阻艱難之久靡憚勤勞于出入起居之間備見忠謹積
功既著實簡予懷其進陟于內司俾益圖於報効服此

欽定四庫全書

華陽集
卷一

十三

休命用副眷知

欽定四庫全書

華陽集卷二

宋 張綱 撰

外制

王瓊除天武捧日四廂都指揮使充淮南東西
路安撫使司都統制

朕思恢復中原經理淮甸比謀元帥既付虎臣必資統
制之權爰整師徒之衆維時宿將宜錫贊書具官某策
髮從軍奮身許國懷禦侮折衝之略有牧人御衆之材

欽定四庫全書

華陽集
卷二

奇謀暗合於孫吳偉績遠希於衛霍被堅執銳賈義勇
以無前逐北追奔積戰多而居最久留行闕董我親軍
益見忠勤宜分憂寄用升華於部督俾總率以戎昭朕
命甚優爾行惟寵深溝高壘豈徒為固圉之謀訓卒厲
兵於以俟侵疆之復

孟忠厚妻王氏封秦國夫人

朕追念昭慈德音如在奄經祥祭孝思敢忘宜頒封爵
之榮下及宗親之懿具封某氏蚤嬪甲族獨著令儀禮

華陽集卷一

先嶺蓀之勤譽謫閨房之秀襲后家之餘慶既克有聞
配君子以䟽榮豈云虛授用易三秦之壤俾新大國之
名是為寵光往其祗服

高士瞳轉送郡承宣使差權官客省四方館閣

門公事

唐竇氏雖緣外戚姻家然皆自以才猷結知天子厠迹
名臣朕嘗以是求之今日苟有出於懿親而能以器業
自奮則亦加以寵榮而策勵之庶無愧於前代具官某

欽定四庫全書

華陽集
卷二

胄出高門是為宣仁近屬早由忠謹數更事任閱閱雖
遠風流具存粵自初載嘗執羈罟從朕於艱危勤勞百
為夙夜匪懈以扞牧圉積功居多傳曰祿勲合親朕豈
忘之哉爰畀郡符往司庶務其將進爾諸竇之列爾尚
勉之母忘大訓

董貴轉官遷團練使

朕方疇咨將臣疆理天下惟恐一士之或失也倘有被
堅執銳忠憤不忘於朝廷顧於高爵厚祿豈所惜哉惟

爾武勇自奮智能有餘粵自艱難即親行陣摧堅却敵
屢奏膚公茲用正爾武階而畀以戎團之重爾其祗服
寵渥思朕所以待汝之意益加懋勉以報所蒙

張玘轉官

朕惟郡太守繫千里休戚未嘗不重其選而況陝服會
府當兵火瘡殘之後外侮可虞民不安業則使之共理
非其人可乎以爾懷許國之忠奮兼人之勇早親行陣
屢挫敵鋒威名所加遠近信服茲用進爾武階并茲西
土爾其為朕安集黎元綏靖疆場使夫妖氛不作而境
內廓清無事則予汝嘉嗣有褒寵

曹成轉石武大夫

朕設勇爵以叙進天下有功之士至於右列其秩尤高
方時艱難惜此名器非用褒勸不輕假人具官某沈勇
有謀奮於行陣率眾數萬聽命朝廷蓋知夫轉禍為福
之機而有尊君親上之義朕甚嘉之上閣華資肆以命
汝其思吾所以寵綏之意益圖忠蓋無忘報國

欽定四庫全書

華陽集
卷二

翟興贈節度使

固藩維而外拒權莫重於敵愾之臣探甲冑以先登義
孰踰於死難之士有能兼是二者獨取名於一時宜舉
卹章以昭大節具官某雅好將帥之略亟勵忠勤之規
糾合師徒鎮臨方面肅中權之威令禦外侮於封圻駭
茲勁敵之滄陵誓與孤軍而鏖擊奇禍既作奮勢莫回
狼贖馳師身獲死而無恨張巡遇害氣吞賊而有餘念
爾仗節之忠興予當守之歎用頒齊鉞嘉賁泉局庶幾
精爽之存不昧寵靈之錫

欽定四庫全書

華陽集
卷二

四

董先除觀察使陝西安撫

朕惟陝右之地風俗勁勇名都大邑雄於天下爰擇主
帥寔難其人以爾奮不顧身忠於衛上粵自艱難之際
即親行陣之榮休績著聞民用信服宜升勇爵仍畀廉
車其往為朕撫茲三州兼治號略之政使夫姦宄消伏
漸寬疆場之虞閭閻乂安復務農桑之業在爾懋勉毋

忘訓詞

韓肖胄除簽書樞密院事

贊襄帷幄允資同德之良綏靖邊隅尤重本兵之寄矧
風塵之未息方社稷之是憂歷選廷臣參決廟勝必兼
隆於才望迺克副於倚毗具官某志大而高明謀深而
博敏輔中興於初載勤勞惟國事之圖聯法從之清班
議論得大臣之體眷維韓氏之顯蓋自慶厯以來父子
繼為宗臣勲烈歲在盟府宜有聞孫之秀蔚為當世之
英務儒學以自將振流風而不墜朕慨念祖宗之緒恢

欽定四庫全書

華陽集
卷二

五

復古之宏規每惟勲閥之家嘉象賢之有後是用考觀
素履昭示眷懷加秘殿之隆名付樞庭之重柄昔宣王
有常德以立武宣徒震驚於徐方而管仲作內政以寓
軍殆將方行於天下尚圖遠業以嗣先猷

胡松年除工部尚書

六卿分職政事悉摠於中臺百工惟時制作獨專於起
部任責既重選能為難得於適聯舉以率屬具官某異
材間出時論同歸堂堂冠人物之英蹇蹇勵王臣之節

智識能窮於物表尊其所聞而高明利害不怵於胃中
養之以氣而剛大早由詞掖出領侯藩兼文學政事之
長得朝野縉紳之譽迨登瑣闥有古執勅之風繼侍經
筵起予正坐之講簡自朕志其若予工念無臺池苑囿
之觀固靡勞於增飾惟是甲冑戈兵之器正有賴於咸
精服我訓言佇觀丕績

黃龜年除中書舍人

持橐替筆均為從臣視草代言獨高詞禁當朝廷之多

欽定四庫全書

華陽集
卷二

六

故出告令於四方欲昭德意志慮之孚正賴討論潤色
之美求稱厥職可無其人具官某問學淹該才猷敏博
務明國家之體深達事物之情往在艱難得於扈從宸
膺顯仕尉有休稱正奉常禮樂之司肅御史風憲之地
彌綸宰屬踐更史官嘉其發於辭章雅有合乎法度宜
登鳳閣分掌綸言夫惟操筆成文自得中和之氣庶幾
扶杖往聽思見德化之成尚其勉旃以副予望

李濟侯加封嘉顯孚濟侯

爾惟明神受職下土克有常享大庇吾民愆陽為災祈
禱屢應有司以實求上朕用歎嘉增錫徽章式昭寵渥
尚期靈爽無替格思

顏孝恭轉遙郡團練使

往者南城盜起害吾良民偏師討之既克底定有司言
狀可無寵褒具官某智謀有餘忠勇自奮能率衆士深
入賊巢一舉成擒績效居最茲用進秩以昭爾能毋替
厥勤尚圖報稱

欽定四庫全書

華陽集
卷二

七

呂祉轉一官

間者盜起湖湘民用震擾惟爾按臨一路能知尺籍伍
符部發將士授之方略迄以蕩平肆疇厥功進官一等
往服朕命益懋所職

董旼轉兩官

賞國之典也所以待天下有功之士方時多故苟能為
朕輸忠效智以遏亂略則應於功令賞可後哉具官某
奮不顧身久親行陣從吾大將屢收戎捷盜起湖湘復

能說以禍福卒使數萬之衆投戈以歸有司上其勞績良用嘉歎進官二等爰示褒優無替厥勤尚圖所報

曹成轉左武大夫遙郡防禦使

國家用武式遏寇攘有能為朕摧堅却敵顧於爵賞豈所愛哉具官某久在戎行深於將略嘗率衆士大破賊羣有司上聞績效顯著其升上閣仍畀使名益務忠勤用圖報稱

潘致堯轉五官

欽定四庫全書

華陽集
卷二

朕頃以邊陲未靜求可使隣封者惟爾有材優於專對遂授以指遣之出疆果能為朕伏節馳驅通二國之好以歸夫奉命不辱既無愧於光華則有功見知其可後於褒寵峻升秩序用荅勤勞毋怠遠圖以修厥職

裴行轉遙郡刺史

爾久以勇聞從吾大將掃平狂寇見謂勤勞應進一官制不可越升刺名郡宜知茂恩益勉戎行毋忘報稱

辛彥宗叙左武大夫康州刺史

赦過宥罪帝王威德既渙大號咸與維新具官某生於將家久更器使坐累貶削克自省循被此龐鴻宜見武序往其茂勉尚益前愆

安時轉官

量材授官計功賦祿此國家取羣臣之法也至於皇族近親則不然吏事勞能一切略之而特以歲月之積進其秩序益敦睦之道如是而後可具官某生長富貴無膏粱之習講聞詩禮有忠信之行久列衛官士論甚美有司會課以為當選夫兵防之職視武階亦峻矣今以授汝往其欽承益務謹良以光屬籍

仇愈降兩官

朕以爾節制舟師控於海道迺者徐文率衆背義驚吾良民實爾所臨曾無忌憚統馭之術益亦踈矣豈朕所望哉褫官二等姑示薄懲尚省厥躬益警爾衆

馮正已落職衝替

爾以近臣之子列於縉紳不務謹良淫醜自露有非士

欽定四庫全書

華陽集
卷二

之所當為者延閣之班尚安得處其加鵠奪姑示薄懲
葉渙落職宮觀

池陽邊臨大江以兵為重爾任帥事宜知尺籍伍符謹
修補卒之法而迺妄行募召倚為扞防凡所竄名皆羣
不逞坐致兇謀潛會肘腋變生逸其渠魁務茲姑息郡
寄若此朕何賴焉其鵠論謨之華往食祠宮之祿猶為
寬典母廢省循

韓肖胄母文氏特封國號

欽定四庫全書

華陽集
卷二

十

朕惟天步方艱戎衣未定爰擇近輔往使鄰邦受命而
行既盡大臣之節勸子以義又聞賢母之言蓋其志有
私親之所難則以知夫國事之為重肆加褒寵靡限彝
章具封某氏太師之孫魏公之婦積勲勞於異世萃忠
孝於一門允蹈令儀豈獨專女子之職習聞先德固知
狗家國之勤眷予樞臣夙遵母訓比通兩國之好迺有
萬里之行果能教以義方謂勿憂於家事慈闈定省雖
暫遠於晨昏使節光華庶克昭於忠信有嘉爾志良副

朕懷爰疏大國之封用侈雕軒之飾綸言錫寵宜益保
於耆年綵戲輝庭將共觀於復命

李膺落職降一官

天下之賦鹽利居半方時艱難仰此以佐邦用則商賈
懋遷宜有以優假之爾為郡守不知體國迺託贍軍之
名違法率飲其入上訴輒更文書變詐自解詔案有實
罪不可追黜官一等罷直延閣尚為寬典勉務自新

陳永錫特轉行遙郡一官

欽定四庫全書

華陽集
卷二

十一

賞以序官國之令典藏在盟府示不敢私惟爾知事上
之忠得謹身之道服勤殿幄積歲居多迎護宮闈任職
無闕宜升武秩舉刺大州用荅勞能尚圖報稱

華陽集卷二